

Anhang.



Die Vesper-Psalmen an Sonn- und Feiertagen.

Sonntags-Vesper.

Deus in adiutorium meum intende. Domine ad adjuvandum me festina. Gloria Patri et Filio et Spiritui Sancto; sicut erat in principio, et nunc et semper, et in sæcula sæculorum, amen. Alleluja. (Laus tibi Domine rex eternæ gloriæ.)

Ps. 109.

Dixit Dominus Domino meo: * Sede a dextris meis:
Donec ponam inimicos tuos, * scabellum pedum tuorum.
Virgam virtutis tuæ emittet Dominus ex Sion: * do-
minare in medio inimicorum tuorum.

Tecum principium in die virtutis tuæ in splendoribus
sanctorum: * ex utero ante luciferum genui te.

Juravit Dominus et non pœnitebit eum: * Tu es sa-
cerdos in æternum secundum ordinem Melchisedech.

Dominus a dextris tuis, * confregit in die iræ suæ reges.

Judicabit in nationibus, implebit ruinas: * conquassa-
bit capita in terra multorum.

De torrente in via bibet: * propterea exaltabit caput.

Gloria Patri &c.

Ps. 110.

Confitebor tibi Domine in toto corde meo: * in consi-
lio justorum et congregatione.

Magna opera Domini: * exquisita in omnes volunta-
tes ejus.

Confessio et magnificentia opus ejus: * et justitia ejus manet in sæculum sæculi.

Memoriam fecit mirabilem suorum, misericors et miserator Dominus: * escam dedit timentibus se.

Memor erit in sæculum testamenti sui: * virtutem operum suorum annuntiabit populo suo.

Ut det illis hæreditatem gentium: * opera manuum ejus veritas et judicium.

Fidelia omnia mandata ejus, confirmata in sæculum sæculi, * facta in veritate et æquitate.

Redemptionem misit populo suo: * mandavit in æternum testamentum suum.

Sanctum et terribile nomen ejus: * initium sapientiæ timor Domini.

Intellectus bonus omnibus facientibus eum: * laudatio ejus manet in sæculum sæculi.

Gloria &c.

Ps. III.

Beatus vir, qui timet Dominum: * in mandatis ejus volet nimis.

Potens in terra erit semen ejus: * generatio rectorum benedicetur.

Gloria et divitiæ in domo ejus: * et justitia ejus manet in sæculum sæculi.

Exortum est in tenebris lumen rectis: * misericors, et miserator, et justus.

Jucundus homo qui miseretur et commodat: disponet sermones suos in judicio: * quia in æternum non commovebitur.

In memoria æterna erit justus: * ab auditione mala non timebit.

Paratum cor ejus sperare in Domino, confirmatum est cor ejus: * non commovebitur, donec despiciat inimicos suos.

Dispersit, dedit pauperibus; justitia ejus manet in sæculum sæculi: * cornu ejus exaltabitur in gloria.

Peccator videbit et irascetur, dentibus suis fremet et tabescet: * desiderium peccatorum peribit.

Gloria &c.

Ps. 112.

Laudate pueri Dominum: * laudate nomen Domini.
Sit nomen Domini benedictum, * ex hoc nunc et usque in sæculum.

A solis ortu usque ad occasum, * laudabile nomen Domini.

Excelsus super omnes gentes Dominus, * et super cœlos gloria ejus.

Quis sicut Dominus Deus noster, qui in altis habitat, * et humilia respicit in cœlo et in terra?

Suscitans a terra inopem, * et de stercore erigens pauperem:

Ut colloceat eum cum principibus, * cum principibus populi sui.

Qui habitare facit sterilem in domo, * matrem filiorum lætantem.

Gloria &c.

Ps. 113.

In exitu Israëli de Aegypto, * domus Jacob de populo barbaro:

Facta est Judæa sanctificatio ejus, * Israëli potestas ejus.

Mare vidit et fugit: * Jordanis conversus est retrorsum.

Montes exultaverunt ut arietes: * et colles sicut agni ovium.

Quid est tibi mare, quod fugisti: * et tu Jordanis, quia conversus es retrorsum?

Montes exultastis sicut arietes: * et colles sicut agni ovium?

A facie Domini mota est terra, * a facie Dei Jacob.

Qui convertit petram in stagna aquarum, * et rupem in fontes aquarum.

Non nobis Domine, non nobis: * sed nomini tuo da gloriam.

Super misericordia tua et veritate tua: * nequando dicant gentes: ubi est Deus eorum?

Deus autem noster in cœlo: * omnia quæcunque voluit fecit.

Simulacra gentium argentum et aurum, * opera manuum hominum.

Os habent, et non loquentur: * oculos habent, et non videbunt.

Aures habent, et non audient: * nares habent, et non odorabunt.

Manus habent, et non palpabunt: pedes habent, et non ambulabunt: * non clamabunt in gutture suo.

Similes illis fiant, qui faciunt ea: * et omnes, qui confidunt in eis.

Domus Israël speravit in Domino: * adjutor eorum et protector eorum est.

Domus Aaron speravit in Domino: * adjutor eorum et protector eorum est.

Qui timent Dominum, speraverunt in Domino: * adjutor eorum et protector eorum est.

Dominus memor fuit nostri: * et benedixit nobis.

Benedixit domui Israël: * benedixit domui Aaron.

Benedixit omnibus, qui timent Dominum, * pusillis cum majoribus.

Adjiciat Dominus super vos, * super vos et super filios vestros.

Benedicti vos a Domino, * qui fecit cælum et terram.

Cælum cæli Domino: * terram autem dedit filiis hominum.

Non mortui laudabunt te Domine: * neque omnes qui descendunt in infernum.

Sed nos qui vivimus, benedicimus Domino, * ex hoc nunc, et usque in sæculum.

Gloria &c.

Lobgesang der Mutter Gottes (Luc. 1).

Magnificat * anima mea Dominum.

Et exultavit spiritus meus * in Deo salutari meo.

Quia respexit humilitatem ancillæ suæ: * ecce enim ex hoc beatam me dicent omnes generationes.

Quia fecit mihi magna qui potens est, * et sanctum nomen ejus.

Et misericordia ejus a progenie in progenies, * timentibus eum.

Fecit potentiam in brachio suo: * dispersit superbos mente cordis sui.

Deposuit potentes de sede, * et exaltavit humiles.

Esurientes implevit bonis: * et divites dimisit inanes.

Suscepit Israël puerum suum, * recordatus misericordiae suae.

Sicut locutus est ad patres nostros, * Abraham, et semini ejus in saecula.

Gloria &c.

Die Vesper-Psalmen an Muttergottes-Festen.

Erster Psalm: Dixit Dominus.

Zweiter Psalm: Laudate pueri.

Ps. 121.

Lætatus sum in his, quæ dicta sunt mihi: * in domum Domini ibimus.

Stantes erant pedes nostri, * in atriis tuis Jerusalem.

Jerusalem, quæ ædificatur ut civitas: * ejus participatio ejus in idipsum,

Illuc enim ascenderunt tribus, tribus Domini, * testimonium Israël, ad confitendum nomini Domini.

Quia illic sederunt sedes in judicio, * sedes super domum David.

Rogate quæ ad pacem sunt Jerusalem: * et abundantia diligentibus te.

Fiat pax in virtute tua: * et abundantia in turribus tuis.

Propter fratres meos et proximos meos, * loquebar pacem de te.

Propter domum Domini Dei nostri, * quæsivi bona tibi.

Gloria &c.

Ps. 126.

Nisi Dominus ædificaverit domum, * in vanum laboraverunt, qui ædificant eam.

Nisi Dominus custodierit civitatem, * frustra vigilat qui custodit eam.

Vanum est vobis ante lucem surgere: * surgite postquam sederitis, qui manducatis panem doloris.

Cum dederit dilectis suis somnum: * ecce hæreditas Domini filii: merces fructus ventris.

Sicut sagittæ in manu potentis, * ita filii excussorum.

Beatus vir, qui implevit desiderium suum ex ipsis: * non confundetur cum loquetur inimicis suis in porta.

Gloria &c.

Ps. 147.

Lauda Jerusalem Dominum, * lauda Deum tuum Sion.

Quoniam confortavit seras portarum tuarum: * benedixit filiis tuis in te.

Qui posuit fines tuos pacem: * et adipe frumenti satiat te.

Qui emittit eloquium suum terræ: * velociter currit sermo ejus.

Qui dat nivem sicut lanam: * nebulam sicut cinerem spargit.

Mittit crystallum suam sicut buccellas: * ante faciem frigoris ejus quis sustinebit?

Emittet verbum suum et liquefaciet ea: * flabit spiritus ejus, et fluent aquæ.

Qui annuntiat verbum suum Jacob: * justitias et judicia sua Israël.

Non fecit taliter omni nationi: * et judicia sua non manifestavit eis.

Gloria &c.

Vesper-Psalmen an den Apostel-Festen.

Erster Psalm: Dixit Dominus.

Zweiter Psalm: Laudate pueri.

Ps. 115.

Credidi, propter quod locutus sum: * ego autem humiliatus sum nimis.

Ego dixi in excessu meo: * omnis homo mendax.

Quid retribuam Domino, * pro omnibus quæ retribuit mihi?

Calicem salutaris accipiam: * et nomen Domini invocabo.

Vota mea Domino reddam coram omni populo ejus: * pretiosa in conspectu Domini mors sanctorum ejus.

O Domine, quia ego servus tuus: * ego servus tuus, et filius ancillæ tuæ.

Dirupisti vincula mea: * tibi sacrificabo hostiam laudis, et nomen Domini invocabo.

Vota mea Domino reddam in conspectu omnis populi ejus: * in atriis domus Domini, in medio tui Jerusalem, Gloria &c.

Ps. 125.

In convertendo Dominus captivitatem Sion: * facti sumus sicut consolati.

Tunc repletum est gaudio os nostrum: * et lingua nostra exultatione.

Tunc dicent inter gentes: * magnificavit Dominus facere cum eis.

Magnificavit Dominus facere nobiscum: * facti sumus lætantes.

Converte Domine captivitatem nostram, * sicut torrens in austro.

Qui seminant in lacrymis, * in exultatione metent.

Euntes ibant et flebant, * mittentes semina sua.

Venientes autem venient cum exultatione, * portantes manipulos suos.

Gloria &c.

Ps. 138.

Domine probasti me, et cognovisti me: * tu cognovisti sessionem meam et resurrectionem meam.

Intellexisti cogitationes meas de longe: * semitam meam et funiculum meum investigasti.

Et omnes vias meas prævidisti: * quia non est sermo in lingua mea.

Ecce Domine tu cognovisti omnia, novissima et antiqua: * tu formasti me, et posuisti super me manum tuam.

Mirabilis facta est scientia tua ex me: * confortata est, et non potero ad eam.

Quo ibo a spiritu tuo? * et quo a facie tua fugiam?

Si ascendero in cœlum, tu illic es: * si descendero in infernum, ades.

Si sumpsero pennas meas diluculo, * et habitavero in extremis maris;

Etenim illic manus tua deducet me: * et tenebit me dextera tua.

Et dixi: forsitan tenebræ conculcabunt me: * et nox illuminatio mea in deliciis meis.

Quia tenebræ non obscurabuntur a te, et nox sicut dies illuminabitur: * sicut tenebræ ejus, ita et lumen ejus.

Quia tu possedisti renes meos: * suscepisti me de utero matris meæ.

Confitebor tibi, quia terribiliter magnificatus es: * mirabilia opera tua, et anima mea cognoscit nimis.

Non est occultatum os meum a te, quod fecisti in occulto: * et substantia mea in inferioribus terræ.

Imperfectum meum viderunt oculi tui, et in libro tuo omnes scribentur: * dies formabuntur, et nemo in eis.

Mihi autem nimis honorati sunt amici tui, Deus: * nimis confortatus est principatus eorum.

Dinumerabo eos, et super arenam multiplicabuntur: * exsurrexi, et adhuc sum tecum.

Si occideris Deus peccatores: * viri sanguinum declinate a me.

Quia dicitis in cogitatione: * accipient in vanitat civitates tuas.

Nonne qui oderunt te Domine, oderam: * et super inimicos tuos tabescebam?

Perfecto odio oderam illos: * et inimici facti sunt mihi.

Proba me Deus, et scito cor meum: * interroga me, et cognosce semitas meas.

Et vide, si via iniquitatis in me est: * et deduc me in via æterna.

Gloria &c.

Die Vesper-Psalmen von einem heiligen Martyrer sind:
1. Dixit Dominus, 2. Confitebor, 3. Beatus vir, 4. Laudate
pueri, 5. Credidi.

Die Vesper-Psalmen von einem heil. Papste oder Bischofe
sind: 1. Dixit, 2. Confitebor, 3. Beatus, 4. Laudate pueri,
5. Memento.

Ps. 131.

Memento Domine David, * et omnis mansuetudi-
nis ejus.

Sicut juravit Domino, * votum vovit Deo Jacob.

Si introiero in tabernaculum domus meæ, * si ascen-
dero in lectum strati mei.

Si dedero somnum oculis meis, * et palpebris meis
dormitionem,

Et requiem temporibus meis: donec inveniam locum
Domino, * tabernaculum Deo Jacob.

Ecece audivimus eam in Ephrata: * invenimus eam in
campis silvæ.

Introibimus in tabernaculum ejus: * adorabimus in
loco, ubi steterunt pedes ejus.

Surge Domine in requiem tuam, * tu et arca sanctifi-
cationis tuæ.

Sacerdotes tui induantur justitiam: * et sancti tui ex-
ultent.

Propter David servum tuum: * non avertas faciem
Christi tui.

Juravit Dominus David veritatem, et non frustrabitur
eam: * De fructu ventris tui ponam super sedem tuam.

Si custodierint filii tui testamentum meum, * et testi-
monia mea hæc, quæ docebo eos:

Et filii eorum usque in sæculum, * sedebunt super
sedem tuam.

Quoniam elegit Dominus Sion: * elegit eam in habi-
tationem sibi.

Hæc requies mea in sæculum sæculi: * hic habitabo,
quoniam elegi eam.

Vidua ejus benedicens benedicam: * pauperes ejus saturabo panibus.

Sacerdotes ejus induam salutari: * et sancti ejus exultatione exultabunt.

Illuc producam cornu David: * paravi lucernam Christo meo.

Inimicos ejus induam confusione: * super ipsum autem efflorescit sanctificatio mea.

Gloria &c.

Die Vesper-Psalmen von einem heiligen Bekenner sind:
1. Dixit, 2. Confitebor, 3. Beatus, 4. Laudate pueri und
5. Laudate Dominum.

Ps. 116.

Laudate Dominum omnes gentes: * laudate eum omnes populi.

Quoniam confirmata est super nos misericordia ejus: * et veritas Domini manet in aeternum.

Gloria &c.

Die Vesper-Psalmen von heil. Jungfrauen und Frauen sind wie an Marienfesten.

An den vier Weihnachtstagen sind die Psalmen: 1. Dixit, 2. Confitebor, 3. Beatus vir, 4. De profundis, 5. Memento.

Ps. 120.

De profundis clamavi ad te Domine: * Domine exaudi vocem meam.

Fiant aures tuae intendentes, * in vocem deprecationis meae.

Si iniquitates observaveris Domine: * Domine quis sustinebit?

Quia apud te propitiatio est: * et propter legem tuam sustinui te Domine.

Sustinuit anima mea in verbo ejus: * speravit anima mea in Domino.

A custodia matutina usque ad noctem, * speret Israël in Domino.

Quia apud Dominum misericordia: * et copiosa apud eum redemptio.

Et ipse redimet Israël, * ex omnibus iniquitatibus ejus.

Gloria &c.

Am Feste der Beschneidung des Herrn sind die Psalmen wie an Marienfesten.

Am Feste der Erscheinung des Herrn sind die Psalmen wie von hh. Bekennern.

Am den Ostertagen — wie am Sonntage.

Am Feste der Himmelfahrt Jesu — wie von hh. Bekennern.

Am den Pfingsttagen dieselben Psalmen.

Am Feste der h. Dreifaltigkeit — wie am Sonntage.

Am Frohnleichnam's-Feste sind die Psalmen: 1. Dixit, 2. Confitebor, 3. Credidi, 4. Beati omnes, 5. Lauda Jerusalem.

Ps. 127.

Beati omnes qui timent Dominum, * qui ambulant in viis ejus.

Labores manuum tuarum quia manducabis: * beatus es, et bene tibi erit.

Uxor tua sicut vitis abundans, * in lateribus domus tuae.

Filii tui sicut novellæ olivarum, * in circuitu mensae tuae.

Ecce sic benedicetur homo, * qui timet Dominum.

Benedicat tibi Dominus ex Sion: * et videas bona Jerusalem omnibus diebus vitae tuae.

Et videas filios filiorum tuorum, * pacem super Israël.

Gloria &c.

Am Allerheiligigen-Feste sind die Psalmen: 1. Dixit, 2. Confitebor, 3. Beatus vir, 4. Laudate pueri, 5. Credidi.

Am Kirchweih-Feste: 1. Dixit, 2. Confitebor, 3. Beatus vir, 4. Laudate pueri, 5. Lauda Jerusalem.

Die Complet.

S. Converte nos, Deus salutaris noster.

Ch. Et averte iram tuam a nobis.

S. Deus in adjutorium &c.

Ps. 4.

Cum invocarem, exaudivit me Deus justitiae meae: *
in tribulatione dilatasti mihi.

Miserere mei: * et exaudi orationem meam.

Fili hominum usquequo gravi corde? * ut quid diligis
vanitatem, et quaeritis mendacium?

Et scitote quoniam mirificavit Dominus sanctum
suum: * Dominus exaudiet me, cum clamavero ad eum.

Irascimini, et nolite peccare: * quae dicitis in cordi-
bus vestris, in cubilibus vestris compungimini.

Sacrificate sacrificium justitiae, et sperate in Domino
* Multi dicunt: Qui ostendit nobis bona?

Signatum est super nos lumen vultus tui Domine: *
dedisti laetitiam in corde meo.

A fructu frumenti, vini, et olei sui * multiplicati sunt.

In pace in idipsum * dormiam et requiescam.

Quoniam tu Domine singulariter in spe * consti-
tuisti me.

Gloria &c.

Ps. 30.

In te Domine speravi, non confundar in aeternum: *
in justitia tua libera me.

Inclina ad me aurem tuam, * accelera ut eruas me.

Esto mihi in Deum protectorem, et in domum refugii,
* ut salvum me facias.

Quoniam fortitudo mea, et refugium meum es tu: *
et propter nomen tuum deduces me, et enutries me.

Educes me de laqueo hoc, quem absconderunt mihi:
quoniam tu es protector meus.

In manus tuas commendo spiritum meum: * redemisti
me Domine Deus veritatis.

Gloria &c.

Ps. 90.

Qui habitat in adiutorio Altissimi, * in protectione Dei cœli commorabitur.

Dicet Domino: Susceptor meus es tu, et refugium meum: * Deus meus sperabo in eum.

Quoniam ipse liberavit me de laqueo venantium, * et a verbo aspero.

Scapulis suis obumbrabit tibi: * et sub pennis ejus sperabis.

Scuto circumdabit te veritas ejus: * non timebis a timore nocturno.

A sagitta volante in die, a negotio perambulante in tenebris: * ab incursu, et daemônio meridiano.

Cadent a latere tuo mille, et decem millia a dextris tuis: * ad te autem non appropinquabit.

Veruntamen oculis tuis considerabis: * et retributionem peccatorum videbis.

Quoniam tu es Domine spes mea: * altissimum posuisti refugium tuum.

Non accedat ad te malum: * et flagellum non appropinquabit tabernaculo tuo.

Quoniam Angelis suis mandavit de te: * ut custodiant te in omnibus viis tuis.

In manibus portabunt te: * ne forte offendas ad lapidem pedem tuum.

Super aspidem et basiliscum ambulabis: * et conculcabis leonem et draconem.

Quoniam in me speravit, liberabo eum: * protegam eum, quoniam cognovit nomen meum.

Clamabit ad me, et ego exaudiam eum: * cum ipso sum in tribulatione: * eripiam eum, et glorificabo eum.

Longitudine dierum replebo eum: * et ostendam illi salutarem meum.

Gloria &c.

Ps. 133.

Ecce nunc benedicite Dominum: * omnes servi Domini: Qui statis in domo Domini, * in atriis domus Dei nostri.

In noctibus extollite manus vestras in sancta, * et benedicite Dominum.

Benedicat te Dominus ex Sion, * qui fecit coelum et terram.

Gloria &c.

Loblied Simeon's (Luc. 2).

Nunc dimittis servum tuum, Domine, * secundum verbum tuum in pace.

Quia viderunt oculi mei * salutare tuum,

Quod parasti * ante faciem omnium populorum,

Lumen ad revelationem gentium, * et gloriam plebis tuae Israël.

Gloria &c.

Die 4 Antiphonen von der Mutter Gottes.

a. Im Advent bis Mariä Lichtmess.

Alma Redemptoris Mater, quae pervia coeli porta manes, et stella maris, succurre cadenti, surgere qui curat populo.

Tu quae genuisti, natura mirante, tuum sanctum genitorem, Virgo prius ac posterius, Gabrielis ab ore sumens illud Ave, peccatorum miserere.

V. Angelus Domini nuntiavit Mariae:

R. Et concepit de Spiritu sancto.

Oremus.

Gratiam tuam quaesumus, Domine, mentibus nostris infunde: ut qui Angelo nuntiante, Christi Filii tui incarnationem cognovimus, per passionem ejus et crucem ad resurrectionis gloriam perducamur; per eundem Christum Dominum nostrum. Amen.

V. Post partum virgo inviolata permansisti.

R. Dei genitrix, intercede pro nobis.

Oremus.

Deus, qui salutis aeternae, beatæ Mariæ virginitate
fœcunda, humano generi præmia præstitisti: tribue, quaesumus, ut ipsam pro nobis intercedere sentiamus, per quam
meruimus auctorem vitæ suscipere, Dominum nostrum
Jesum Christum Filium tuum.

R. Amen.

b. Von Lichtmess bis Ostern.

Ave, regina cœlorum, ave Domina angelorum; salve
radix, salve porta, ex qua mundo lux est orta: gaude,
Virgo gloriosa, super omnes speciosa: vale, o valde de-
cora, et pro nobis Christum exora.

V. Dignare me laudare te, Virgo sacrata.

R. Da mihi virtutem contra hostes tuos.

Oremus.

Concede, misericors Deus, fragilitati nostræ præsi-
dium: ut qui sanctæ Dei Genitricis memoriam agimus,
intercessionis ejus auxilio a nostris iniquitatibus resurga-
mus, per eundem Christum Dominum nostrum.

R. Amen.

c. Von Ostern bis Dreifaltigkeitsfest.

Regina cœli, lætare, alleluja. Quia quem meruisti
portare, alleluja. Resurrexit sicut dixit, alleluja. Ora pro
nobis Deum, alleluja.

V. Gaude et lætare, Virgo Maria, alleluja.

R. Quia surrexit Dominus vere, alleluja.

Oremus.

Deus, qui per resurrectionem Filii tui Domini nostri
Jesu Christi mundum lætificare dignatus est: præsta,
quaesumus, ut per ejus genitricem Virginem Mariam per-
petuæ capiamus gaudia vitæ. Per eundem Christum Do-
minum nostrum.

R. Amen.

d. Vom Dreifaltigkeitsfeste bis Advent.

Salve regina, mater misericordiae, vita, dulcedo, et spes nostra salve. Ad te clamamus exules, filii Evae. Ad te suspiramus gementes et flentes in hac lacrymarum valle. Eja ergo advocata nostra illos tuos misericordes oculos ad nos converte. Et Jesum benedictum fructum ventris tui nobis post hoc exilium ostende. O clemens, o pia, o dulcis Virgo Maria.

V. Ora pro nobis, sancta Dei Genitrix.

R. Ut digni efficiamur promissionibus Christi.

Oremus.

Omnipotens sempiterna Deus, qui gloriosae Virginis Matris Mariae corpus et animam, ut dignum Filii tui habitaculum effici mereretur, Spiritu sancto cooperante praeparasti: da, ut cujus commemoratione laetamur, ejus pia intercessione ab instantibus malis, et a morte perpetua liberemur. Per eundem Christum Dominum nostrum.

R. Amen.

V. Divinum auxilium maneat semper nobiscum.

R. Amen.




dilecto, et
Evae. Ad
lacrymarum
misericores
tractum ven-
nens, o pia,

risti.

se Virginis
lli tui habi-
erante pre-
tr, ejus pia
perpetua li-
rum.


ecum.



2/11/11

00

ta, * et
et ceterum
secundum
m.
m plebis
orta ma
mi curat
rum ge
ore su
s nostris
incarnat
nem ad
Christum



the scale towards document

492

Image Engineering Scan Reference Chart TE263 Serial No.

teatae Mariae virginitate
praestitisti: tribue, quaere
sentiamus, per quam
ere, Dominum nostrum

Oratio.

omina angelorum; salve
o lux est orta: gaude,
fiosa: vale, o valde de
virgo sacrata.
nostes tuos.

fragilitati nostrae praesi
dicis memoriam agimus,
is iniquitatibus resurga
um nostrum.

Oratio.

a. Quia quem meruisti
dixit, alleluja. Ora pro

Maria, alleluja.
re, alleluja.

Fili tui Domini nostri
dignatus est: praesta,
n Virginem Mariam per
eundem Christum Do-